



**TOSHKENT DAVLAT YURIDIK UNIVERSITETI REKTORINING
BUYRUG'I**

08.02.2022 yil

18 um-son

**“Uchinchi Renessans - yoshlar nigohida” tanlovining
universitet bosqichini o'tkazish to'g'risida**

Yoshlar ishlari agentligi, Xalq ta'limi vazirligi, Innovatsion rivojlanish vazirligi, Oliy va o'rta maxsus ta'lim vazirligi, O'zbekistondagi Islom sivilizatsiyasi markazi hamda Fanlar akademiyasining 2021-yil 13/14-dekabrdagi “Oliy ta'lim va ilmiy tadqiqot muassasalarida ilmiy-izlanish olib borayotgan yosh manbashunos olimlar, tadqiqotchi va magistrLAR o'rtasida “Uchinchi Renessans - yoshlar nigohida” tanlovini tashkil etish va o'tkazish to'g'risida”gi 01-07/39, 68q/q, 14-q/q, 77-q/q, 156-q, 15/2-son qo'shma qarorlarida belgilangan vazifalar ijrosini ta'minlash maqsadida,

BUYURAMAN:

1. Yoshlar ishlari agentligi, Xalq ta'limi vazirligi, Innovatsion rivojlanish vazirligi, Oliy va o'rta maxsus ta'lim vazirligi, O'zbekistondagi Islom sivilizatsiyasi markazi hamda Fanlar akademiyasining 2021-yil 13/14-dekabrdagi 01-07/39, 68q/q, 14-q/q, 77-q/q, 156-q, 15/2-son qo'shma qarorlari ma'lumot va ijro uchun qabul qilinsin.

2. Qo'shma qaror bilan:

“Uchinchi Renessans - yoshlar nigohida” respublika-tanlovini (keyingi o'rinlarda - Tanlov) an'anaviy tarzda har yilda bir marotaba o'tkazish belgilanganligi;

tanlovni o'tkazish to'g'risidagi Nizom va Respublika tashkiliy qo'mitasi tasdiqlanganligi;

tanlov besh muhim tashabbusni keng joriy etish va unga yoshlar qamrovini oshirish, yoshlar o'rtasida IT texnologiyalar va xorijiy tillarni o'zlashtirishning zamonaviy mexanizmlarini ishlab chiqish, ta'limning barcha bosqichlarida yoshlarning sifatli ta'lim olishini ta'minlash, hududlarda inklyuziv ta'limni rivojlantirish bo'yicha innovatsion yondashuv usullari (xorijiy tajriba asosida), yoshlarni ilm-fan va innovatsiyalarga qiziqtirishning noan'anaviy usullari, yoshlar, jumladan voyaga yetmaganlar o'rtasida jinoyatchilik va huquqbuzarliklar profilaktikasini amalga oshirish bo'yicha ta'sirchan mexanizmlarni ishlab chiqish yo'nalishlari bo'yicha o'tkazilishi belgilanganligi;

tanlovda oliy ta'lim va ilmiy tadqiqot muassasalarida ilmiy-izlanish olib borayotgan yosh manbashunos olimlar, tadqiqotchi va magistrlar ishtirok etishi belgilanganligi inobatga olinsin.

3. Tanlovning Toshkent davlat yuridik universiteti (bundan buyon matnda – TDYU) bosqichi yuqori saviyada o'tkazilsin.

4. Tanlovning universitet bosqichida kelib tushgan ishlarni baholash bo'yicha hakamlar hay'ati tarkibi ilovaga muvofiq tasdiqlansin.

5. Yoshlar masalalari va ma'naviy-ma'rifiy ishlar bo'yicha prorektor A.Xashimhonov:

tanlovning TDYU bosqichini nizom talablari hamda baholash mezonlariga muvofiq shaffof, ochiq-oshkora va adolatli o'tkazilishini ta'minlasin;

tanlovning TDYU bosqichini tanlov nizomida belgilangan muddatlarda o'tkazilishini nazorat qilsin.

6. Ma'naviyat va ma'rifat markazi (Sh.Po'lotov):

Jamoatchilik va OAV bilan ishlash bo'limi (J.Haydarov) bilan birgalikda tanlovning TDYU bosqichini o'tkazish, tanlov jarayoni hamda g'oliblari to'g'risidagi ma'lumotlarni universitetning Internetdagi rasmiy sayti va ijtimoiy tarmoqlardagi sahifalari orqali keng yoritilishini ta'minlasin;

tanlovning TDYU bosqichida ishtirok etib g'oliblikni qo'lga

kiritgan ishtirokchilarni nizom talabalariga muvofiq belgilangan pul mukofotlari hamda darajali diplomlar bilan rag'batlantirish choralarini ko'rsin;

tanlovda yo'nalishlari bo'yicha 1-o'rinni qo'lga kiritgan ishtirokchilar va ularning tegishli hujjatlarini Oliy va o'rta maxsus ta'lim vazirligiga yuborilishini ta'minlasin.

9. Mazkur buyruq ijrosi nazorati prorektor A.Xashimhonov zimmasiga yuklansin.

Rektor



A.TASHKULOV

Toshkent shahar

Kiritildi:

Direktor

SH.PO'LOTOV



Kelishildi:

YOshlar masalalari va ma'naviy-
ma'rifiy ishlar bo'yicha prorektor

A.XASHIMHONOV



Devonxona mudiri

X.ABDULLAYEV



Katta yuriskonsult

E.XOSILOV



Buyruq bilan tanishdim:

SH.PO'LOTOV

